

# Tumaini na Wokovu kwa Ulimwengu

*Wamtumainio Bwana ni kama mlima Sayuni, Ambao hautatikisika, wakaa milele. Kama milima inavyozunguka Yerusalemu, Ndiyo Bwana anavyowazunguka watu wake, Tangu sasa na bata milele—Zaburi 125:1, 2.*

**I**likuwa ni msalaba, kile kifaa cha kudhalilisha na mateso makali, ndicho kilicholeta tumaini na wokovu ulimwenguni. Wanafunzi wa Kristo walikuwa watu wa kawaida, wasiokuwa na mali wala silaha isipokuwa neno la Mungu; lakini katika nguvu za Kristo, walikwenda huku na huko wakifundisha kisa cha horini na msalabani, na kushinda dhidi ya upinzani. Hawakuwa na heshima yoyote wala kutambuliwa, lakini walikuwa ni mashujaa wa imani. Kutoka katika vinywa vyao, yalitoka maneno yaliyokuwa yanazungumzwa kwa ufasaha wa kimbingu, yaliyoitikisa dunia.

Kule Yerusalemu kulikuwa na chuki ya kina dhidi ya wanafunzi na huko ndiko dhana zenye kukinzana zilikokuwa zinatawala juu ya Kristo aliyekuwa amesulubiwa kama mhalifu. Wanafunzi waliendelea kuyahubiri kwa ujasiri maneno ya uzima huku wakiweka bayana kwa Wayahudi kazi na utume wa Kristo, kusulubiwa, kufufuliwa na kupaa Kwake kwenda mbinguni. Kwa mshangao, makuhani na viongozi wa watu walisikia waziwazi ushuhuda uliotolewa na mitume kwa ujasiri. Uweza wa Mwokozi aliyefufuka ulikuwa umewashukia wanafunzi kwa hakika na kazi yao iliambatana na ishara na miujiza iliyokuwa inaongeza kila siku idadi ya waumini. Kwenye mitaa ambako wanafunzi walitarajiwa kupita, watu walikuwa wanawalaza wagonjwa wao, “juu ya majamvi na magodoro, ili Petro akija, ngawa kivuli chake kimwangukie mmoja wao.” Hapa pia walikuwa wanaletwa watu waliokuwa wanasumbuliwa na pepo wabaya. Makutano walikuwa wamekusanyika kuwazunguka, na wale waliokuwa wameponywa walikuwa wakimsifu na kulitukuza jina la Mkombozi.

Hata hivyo juhudi zilizokuwa zinafanyika kuzima mafundisho haya mapya zilikuwa hazifai kitu; lakini sasa, Masadukayo na Mafarisayo kwa pamoja walikuwa wamekamia kwamba kazi ya wanafunzi ni lazima ikomeshwe, kwa sababu ilikuwa inawatia katika hatia kuwa walikuwa wamemwua Yesu. Wakiwa wamejaa ghadhabu, makuhani waliwakamata kwa nguvu Petro na Yohana na kuwatia gerezani.

Wanafunzi hawakutishwa wala kusunoneshwa na vitendo hivi... Mungu wa mbinguni, Mtawala mwenye nguvu wa ulimwengu, alilichukua mikononi Mwake suala la wanafunzi kutiwa gerezani... Wakati wa usiku; malaika wa Bwana aliifungua milango ya gereza na kuwaambia wanafunzi, “Enendeni mkasimame hekaluni mkawaambie watu maneno yote ya Uzima huu” (Matendo 5:20).

Muda mfupi kabla ya kusulubiwa Kwake Kristo aliwakabidhi wanafunzi Wake urithi wa amani. “Amani nawaachieni” Aliwaambia, “amani yangu nawapa”.... Amani hii haiji kwa kupatana na ulimwengu. Kamwe Kristo hakununua amani kwa kuafikiana na uovu. *Amani aliyowaachia wanafunzi wake ni ya ndani wala si ya nje na daima ingebaki na mashabidi Wake katikati ya machafuko na mashindano* (Matendo ya Mitume, uk. 65 – 67; 70– 71).